

## **Pitan Akinafarir Namba 2 O 2 Pita Akar faragħha zuim**

Akinafarir kamin akar mingarimra kara. Tisan maba arua Kraisin adarazir nighnizir gavgaviba ko arazir aghuibagh asighasisi. Ezi Pita akinafarir kamin aven migia ghaze, Kraisin adarazi men akaba baraghan marki. Me, akar aposelba men sure gamizibar suiragh gavgafigħ. Eġħi arazir kamin me God ko Ekiam Krais Jesus deravira aning gifogħam. Aposelba uari uan damazibar Jesusin ganigha uaghan a barazi, a men sure gami.

Gumazir maba kamaghin migei Jesus ua izan kogħam. Ezi akinafarir kam ghaze, a izam. Guizbangira a zuamira izegħan kogħamin bizimmin mingarim kamakin: God gumazitam o amizitam ovengħan aghħua. A kamagħsua, gumazamiziba bar navibagh iragħam. Kamaghin amizi, a gumazamiziba dugħiam me ganiga, egha me mizua ikiavira iti (3:9).

**E arazir aghuibar amuti da en  
navir averiabar ikki gavgavigham,  
eġħi e gumazamizir kurabar  
akaba batogħam**

*(Sapta 1--3)*

**1** Ki Saimon Pita, ki Krais Iesusin ingangarir gumazim ko an aposel. Ki, ia gumazamizir nighnizir gavgavir aghuim itiba, akar kam ia bagha an osiri. Krais Iesus en God, a en Akurvazir Gu-mazim. Egha a uan arazir aghuimin God nighnizir gavgavir aghuim ia ganingizima, ian nighnizir gavgavir kam, a enanam ko voroghira ghu. **2** Ezî datirighin ia God ko en Ekiam Iesus, aningin fofozir aghuim inis. Ezî kamaghin apangkuvir arazim ko navir amirizim ian ekevegh iki.

### *God ua baghavira e amisefe*

**3** Krais Iesus a God, an gavgavim a biziba bar e ganingi. Eighti da gavgavim e daningtima, e ikirimirir aghuim iniva e God ifongezir arazibar amu ikiam. E Krais giffo, ezî fofozir kam e gamima e God ifongezir arazibagh ami. Ezî a ko itir arazim ko an arazir aghuimin, an en dia. **4** Egha bizir bar aghuiba e ganingi, da bar ekefe. Ezî kar bizir a fomira e daningasa akam akiriziba. E nguazir kamin itir gumazamiziba, e navir ghurimin araziba bagha puv agoima, da bar pazav e gami. Ezî Krais bizir aghuir kaba bar e ganingi. Tuavir kamin, a ian akuraghti, ia arazir kurar kabagh itaghiva, egh Godin ikirimirim inighiva egh an arazibar amuam.

**5** Bizir kabanang bagh, ia Godin ikirimirim inisi pamten ingar. Ia datirighin nighnizir gav-

**1:1:** 2 Ko 4:13, Ef 4:5; Ta 1:4    **1:1:** 2 Korin 4:13; Efesus 4:5; Taitus 1:4    **1:2:** Ju 2    **1:2:** Jut 1:2    **1:3:** Jo 17:3; 2 Te 2:14; 2 Ti 1:9; 1 Pi 2:9    **1:3:** Jon 17:3; 2 Tesalonika 2:14; 2 Timoti 1:9; 1 Pita 2:9    **1:4:** 2 Ko 7:1; Ef 4:24; 2 Pi 2:18-20; 1 Jo 3:2    **1:4:** 2 Korin 7:1; Efesus 4:24; 2 Pita 2:18-20; 1 Jon 3:2    **1:5:** 1 Pi 3:7; 2 Pi 3:18    **1:5:** 2 Pita 3:18

gavim Kraisin iti. Egh uaghan arazir aghuibar gumazamizir igharazibar amu, egh uaghan Godin fofozir arazim deravira a inigh. <sup>6</sup> Egh uaghan navir ghurimin araziba da dikabin, egh uaghan tugh gavgavigh osimtziba ater, egh uaghan God ifongezir arazibar gin mangi. <sup>7</sup> Egh uaghan, uan adarazir min, Kraisin adarazir apangkuvigh men akurvagh. Egh uaghan igharaz darazigh ifongezir arazim damu.

<sup>8</sup> Ia Krais Jesus gif, a en Ekiam. Ia arazir kaba inightima da ian iki bar gavgavichti, ian fofozir kam deravira ingartima, dagher aviriba otivam. <sup>9</sup> Gumazim o amizim arazir kaba puvatigh, a bizir saghuiamin tibar ganan kogham, a mati gumazir damazir okavirizimin min ikiam. Guizbangira, God an arazir kurar a fomira amiziba gin amada, egha a gamizima a zue. Egha datirighin bizir kaba, a da bakiñighniki. <sup>10</sup> Nan adarasi, God ian diagha gifa, egha ia ginaba, ezi ia an gumazamizibar ikiam. Kamaghin ia zurara an adarazir ikivira ikiva egh bizir kam akakaghs, ia bar pamtem ingar. Ia kamaghin damu, arazir kuratamin irighan kogh, egh God ateghan kogham. <sup>11</sup> Eighti a tuavir kam bar ia bagh a kuightima ia God Bizibagh Ativamin Dughiamin aven mangiti a ia bagh bar akuegham. Egh dughiar kamin iki mamaghira ikiam. God Bizibagh Ativamin Dughiam, a bar Krais Jesus en Ekiamin bizim, a en Akurvazir

---

**1:6:** Ga 5:22-23    **1:6:** Galesia 5:22-23    **1:7:** Ga 6:10, 1 Te 5:15,  
1 Jo 4:21    **1:7:** Galesia 6:10; 1 Tesalonika 5:15; 1 Jon 4:21    **1:8:**  
Jo 15:2, Ta 3:14    **1:8:** Jon 15:2; Taitus 3:14    **1:9:** Hi 9:14, 1 Jo  
1:7, 2:9-11    **1:9:** Hibru 9:14; 1 Jon 1:7; 2:9-11    **1:10:** 2 Pi 3:17, 1  
Jo 3:19    **1:10:** 2 Pita 3:17; 1 Jon 3:19

Gumazim.

**12** Ki bizir kaba bagh ia mikimvira ikiam. Ia guizbangira dagh fogha guizin akam inigha gifa, egha an tugha gavgafi. **13-14** Ki fo, dughiar bar otevim, ki nguazir kamın itir mīkarzim suevkinigham. En Ekiam Krais Jesus kamaghin na mikemegha gifa. Kamaghin dughiar ki inivafizir kamın aven ikiavira itim, ki nighnizima a dera, ki ua bizir kaba bagh ia mikimtima, ia ua dagh nighnighvira ikiam. **15** Kamaghin amizi, ki bar deragh ia mikimasa. Ki gin oveghti, ia dughiarbar zurara bizir ki ia mikemezir kabagh nighnighvira ikiam.

*Aposelba uan damazibar Godin angazangarim garima a Kraisın iti*

**16** Ezi dughiar e Kraisın akar kamın ia mikemezim, e pura gumazitam eghaghanitam ko nighnizimin gin ghua ia migeir puvati. E uan Ekiam Krais Jesusin gavgavim ko a ua izamin akamin gun ia mikeme. E faragha guizbangira uan damazibar Godin angazangarim ko gavgavimin garima da Krais Jesusin iti, kamaghin amizi e migei.\* **17** Ezi God Afeziām ziar ekiam a ganingi, egha angazangarir aghuir kam gamizima an an oto. Ezi God uabi uan

**1:12:** Fl 3:1, 1 Pi 5:12, 2 Pi 3:1, 3:17, 1 Jo 2:21, Ju 5  
3:1; 1 Pita 5:12; 2 Pita 3:1; 3:17; 1 Jon 2:21; Jut 1:5

**1:12:** Filipai

**1:13-14:** Jon 21:18-19; 2 Korin 5:1; 2 Timoti 4:6; 2 Pita 3:1

**1:13-14:** Jon

**1:16:** 1 Ko 1:17, 1 Jo 1:1

**1:16:** 1 Ko 1:17

**1:16:** 1 Korin 1:17; 1 Jon 1:1 \* **1:16:** Akar otevir kam a dughiar Jesusin mīkarzim igharagħha gara otozir bizibav migei. Ni Matyu 17:1-3 ko Mak 9:2-13 ko Luk 9:28-36in gan.

**1:17:** Mt 3:17

**1:17:** Matyu 3:17      **1:17:** Matyu 17:1-5; Mak 9:2-7; Luk 9:28-35

Nguibamin ikia angazangarir ekiar kamin aven ikiava kamaghin Jesus migia ghaze, “Kar nan Otarim, ki bar a gifonge, egha ki a bagha bar akonge.” <sup>18</sup> Ezi e uari a ko Godin mighsiamin ikia egha akar kam barazima a Godin Nguibamin ikegha izaghiri. <sup>19</sup> Kamaghin amizi, e nighnizir gavgavimra Godin akam inigha izir gumazibar akabar iti. Ezi ia uaghan men akabar suiragh gavgavigh, egh deragham. Godin akam inigha izir gumazibar akaba mati lam mitatemin ikia isi moghin, Kraisin angazangarim ian navir averiabar aven iki isiam. Arazir kam mati aminim itir mikovezim overiamin isiti, mitatem mangiti angazangarim otogham.†

<sup>20-21</sup> Fomira Godin akam inigha izir gumazibar akatam, pura gumazitam o amizitam a mikemezi an a migeir puvati. Godin Duam uabi me gaghuavkrima me Godin izezir akam akuri. Kamaghin amizi, ia bizir ekiar kam gifogh, Godin akam inigha izir gumaziba, me uan nighnizibar Godin Akinafarim osirizir puvati.

## 2

*Ifavarir tisaba Kraisin adarazir nighnizibagh  
asighasighasa  
(Jut 4:13)*

---

**1:19:** Sng 119:105, Jo 5:35, MAA 2:28      **1:19:** Onger Akaba 119:105; Jon 5:35      † **1:19:** Mizarazimin mikovezir kam, kar Krais Jesus. Ni Akar Mogomem 22:16in gan.      **1:20-21:** Aposel 1:16; 3:18; Rom 12:6; 2 Timoti 3:16; 1 Pita 1:11

**1** Ezi fomira Godin akam inigha izir gumazir ifavarir maba, me Israelien gumazamizibar tongin iti. Ezi kamaghira ifavarir tisaba uaghan ian tongin ikiam. Egh me nimira ia gifar, Godin bizitaba ian sure damuam. Egh me mongiva akar ifavaribar amuti, da ian tongin otivam, kar akar ian nighnizir gavgavim gasighasiziba. Ekiam ua me ini, eghti me uamategh akirim ragh, Ekiam gasaragham. Me kamaghin damuti, God zuamira me gasighasigham. **2** Eghti gumazamizir avirim men arazir mizirizir kurabar gin mangam. Eghti bizir kam gumazamizibar amuti me akar kurabar guizbangin tuavir Godin gin zuimin mikimam. **3** Ifavarir tisan kaba dagiar aviriba baka, kamaghin me eghaghanir ifavarir aviribar amuva, ian dagiaba ko biziba iniam. Fomira God me isi kot darighasa dughiam atigha, ghaze, me bar ikuvigham. Ezi God akuir puvati. A fomira me mikemezi moghin me gasighasighasa me bagha gara iti.

**4** Ia fo, bar fomira enselin maba arazir kurabagh ami, ezi God me ataghizir puvati. A senbar me ikegha helin me akunizima me mitater bar ekiamin aven ti. Me kalabusin ikiavira ikia Godin

**2:1:** Mt 24:11, Ap 20:30, 1 Ko 6:20, Ef 1:7, 1 Ti 4:1, 2 Ti 3:1-5, 1 Pi 1:18, Ju 4    **2:1:** Matyu 24:11; Aposel 20:30; 1 Timoti 4:1; 2 Timoti 3:1-5; 1 Pita 1:18; Jut 1:4    **2:3:** Ro 16:18, 2 Ko 12:17-18, 1 Te 2:5, 1 Ti 6:5, Ta 1:11, 2 Pi 1:16    **2:3:** Rom 16:18; 2 Korin 12:17-18; 1 Tesalonika 2:5; 1 Timoti 6:5; Taitus 1:11; 2 Pita 1:16    **2:4:** Lu 8:31, Jo 8:44, 1 Jo 3:8, Ju 6, MAA 20:2-3    **2:4:** Luk 8:31; Jon 8:44; 1 Jon 3:8; Jut 1:6; Akar Mogomem 20:2-3

kotiamin dughiam bagha mizua iti. **5** Ezi gumazamizir bar fomira ikeziba, me Godin akam barazir puvati. Ezi a me gasighasiki. An aperiam gamizima an otogha bar me kuavareme. Ezi Noa a gumazir arazir aghuibara gun migeir mam, God a ko 7plan gumazamizir igharaziba bar deragha men garima me deravira iti.

**6** Ezi God Sodomin nguibam ko Gomoran nguibam migia ghaze, aning uaghan ikuvigham. God aning gaborozi aning bar isigha, averenir kiniba iti. Ezi gin gumazir Godin akaba batoziba, me bizir Sodom ko Gomoran otozim ginighnigh, egh fogham bizir kam gin uaghan me bativam.

**7** Ezi God Lotin akura, gumazir deravira itim. Egha a, men arazir mizirizibar gara an navim bar a baseme. **8** Gumazir aghuir kam Lot men tongin ikia egha men arazir bar kurabar gari. Egha dughiabar zurara men akar kuraba barasi. Ezi an navim deragha iti. Ezi a me Godin Araziba batozir arazim bagha an navim bar ikufi.

**9** Ekiam amizir biziba, e dagh nighnigha kamaghin fo, osimtititam gumazamizir Godin Arazibar gin zui taba batogham, God osimtizir kam uam me da a iniamin tuavim giffo. Ezi God arazir kurabagh amir gumazamizibagh fo, egha men arazir kuraba ikarvaghamin tuavim giffo, mammaghira iki mangiva Godin Kotin Ekiamin Dughiam

---

**2:5:** Stt 6:1-7:24, 8:18, Hi 11:7, 1 Pi 3:20, 2 Pi 3:6      **2:5:** Jenesis 6:1--7:24; Jenesis 8:18; Hibru 11:7; 1 Pita 3:20; 2 Pita 3:6      **2:6:** Stt 19:24, Nam 26:10, Ju 7      **2:6:** Jenesis 19:24; Diboboniba 26:10; Jut 1:7      **2:7:** Stt 19:1-16      **2:7:** Jenesis 19:1-16      **2:9:** Sng 34:17-19, 1 Ko 10:13, Ju 6      **2:9:** Onger Akaba 34:17-19; 1 Korin 10:13; Jut 1:6

otogham. **10** Eghti gumazamizitaba iveau kurar bar ekiaba iniam. Kar gumazamizir poroghamiba uari isava akuava amir arazir bar miziriziba. Egha me Godin akam migia ghaze, a pura bizim.

Ezi gumazamizir kurar kaba ian tongin iti, gumazamizir akaba batogha egha uan nighnizibar gin zuiba. Egha me atiatir puvatigha akar kurabar enselin Godin Nguibamin itibav gei. **11** Ezi enselba bar gavgavir ekiam ikia, bar gumazamizir kabagh afira. Egha enselba uari akar kurabar me migeir puvati, egha Ekiamin damazimin akam me gasir puvati.

**12** Ezi ifavarir tisan kaba, me mati asizibar min nighniziba puvati, egha me uan mikarzibar ifongiabar arui. Egha me mati asizir atiabar min nguazimin otifi, egha gumaziba men suighiva me misoghtima me arighiram. Ezi bizir me fozir puvatizim, me akar kurabar a migei. Ezi arazir kamra mati gumaziba asizir atiaba gasighasizi moghin God me gasighasigham.

**13** Ezi me amizir arazir kurabar, gumazamiziba men arazir kaba bagh ua arazir kurabar me ikarvagham. Me ghaze, aruebar dagher ekiaba apir arazim ko dipar organiba apir arazim, kar arazir bar aghuim. Egha me ia koma apava, egha ia gamima ia bar mize, egha ian ziabagh asighasisi. Egha me uan ifavarir arazir me amiba bagha bar akonge. **14** Egha me zurara amizibar gara, arazir kurabar me damuasa nighnisi. Egha me

---

**2:10:** Ju 4:10, 16    **2:10:** Jut 1:4-10; 1:16    **2:11:** Ju 9    **2:11:** Jut 1:9    **2:12:** Ju 10    **2:12:** Jut 1:10    **2:13:** Ro 13:13, 1 Ko 11:20-21, Fl 3:19, Ju 12    **2:13:** Rom 13:13; 1 Korin 11:20-21; Filipai 3:19; Jut 1:12

arazir kurar amiba givasa nighnizir puvati. Me gu-mazamizir nighnizir gavgavir muziariba itibagh ifarima me arazir kurabagh ami. Egha me igharaz darazir bizibar garava, dagh ifongezir arazim bar me gizifa. Eghti God bar me gasighasigham! <sup>15</sup> Me tuavir aghuim ategha, bar organigha tintinibar zui. Me Beorin otarim Balamin tuavimin gin zui. An arazir kuram gamigha, egha uan arazir kurar kamin iveauzim iniasa. <sup>16</sup> Donkiba migeir puvati. Ezzi donkin mam gumazimin min migia Balamin arazir kuraba bagha an atari. Ezzi arazir kamin, donki Godin akam inigha izir gumazir kam gamima, a uan arazir onganir a damuasa nighnizim ataki.

<sup>17</sup> Gumazamizir kaba, mati mozir dipaba dakezi moghin iti, egha uaghan mati aminir ekiam ghuariam givava amadima a tintinibar zuima amoziha puvati. God me bagha danganir bar mitategha bar pighizim akirizima a iti. Eghti me mangiva an ikiam. <sup>18</sup> Gumazamizir kaba pura tiariba akara egha uan akar onganir kabavgia ghaze, erara dera. Me gumazamiziha apezepera me gamima, me naviba dikavava arazir poroghamiba uari isava akuiba, ko inivafizimin arazir kurar igharazibar amuasa nighnisi. Ezzi arazir kamin, me gumazamizir datirighira navibagh iragħha arazir kuraba ataghiziba, me me gamima, me gumazamizir

---

**2:15:** Ju 11, MAA 2:14    **2:15:** Jut 1:11; Akar Mogomem 2:14

**2:15:** Diboboniba 22:4-35    **2:17:** Ju 12-13    **2:17:** Jut 1:12-13

**2:18:** Ap 2:40, 2 Pi 1:4, 2:20, Ju 16    **2:18:** Aposel 2:40; 2 Pita 1:4; 2:20; Jut 1:16

kurar kabar gin zui. **19** Gumazamizir kurar kaba kamaghin migei, “Kamaghin ia en gin mangiva, egh ia firighiregh uan nighnizibar ifongezir bizibar amuam.” Men arazir kuraba me gasighasizima, me uari pura ingangarir gumazamiziba. E fo, gumazamiziba bizitam me ikirarighti, me bizir kamin pura ingangarir gumazamizibar min ikiam. **20** Guizbangira, me en Ekiam Krais Iesus da fofozim inis, a en Akurvazir Gumazim. Ezzi fofozir kam men akurazi me arazir mizirizir nguazimin itiba bar adagh ita. Egh kamaghin me ua arazir kurabar amuti, da ua me ikirarigh egh bar me gafiragham. Egħi men ikirimirrim gin bar mogħira bar ikuvigh fomira itir ikirimirrim gafiragħam. **21** Kamaghin me arazir aghuimin tuavim gifozir puvatīgħa, deraghia. Ezzi datirighin me tuavir kam gifo, egha Godiñ akaba ini, egha uam akirim ragħha God gasara. Ezzi bizir kam bagħ me bar ikuvigham. **22** Ezzi bizir men otozir kam, guizin akar otevir mamin aven kamaghin migei, “Afiam migħha egha ghua ua uan mimiziba api.” Ezzi uaghan akar otevir iħbarazir mam kamaghin migei, “Dam dipam guregħha givagħha ua ghua begħneazim gipogħposi.” Aningin arazim virara bar kufi.

### 3

#### *Bar guizbangira Ekiam ua izam*

---

**2:19:** Jo 8:34; Ro 6:16; 1 Pi 2:16    **2:19:** Jon 8:34; Rom 6:16; 1 Pita 2:16    **2:20:** Mt 12:45; Lu 11:26; Hi 6:4; 2 Pi 1:2-4    **2:20:** Matyu 12:45; Luk 11:26; Hibru 6:4; 2 Pita 1:2-4    **2:21:** Lu 12:47-48; Jo 9:41    **2:21:** Luk 12:47-48; Jon 9:41    **2:22:** Snd 26:11    **2:22:** Aghuzir Akaba 26:11

**1** Nan roroaba, kar nan namba 2in akinafarim ki datirighin ia bagha an osiri. Ki kamaghin ifonge, akinafarir ki osirizir kamning, ian nighniziba uam a da feghti, ia ua bizir kabagh nighnighvira ikiam, egh ian nighniziba bar deravira ikiam. **2** Ia ua Godin akam inigha izir gumaziba fomira mikemezir akabagh nighnighasa ki ifonge. Egh ia uaghan Ekiamin akabagh nighnigh, a en Akurvazir Gumazim. Ia uan aposelba da akar kam inis.

**3** Ia faragh bizir ekiar kam gifogh, Ekiam ua izamin dughiamin, gumazamiziba uan navir ghurimin arazibar gin mangiva dibovir akar kurabar ia mikimam. **4** Me kamaghin ia dipovam, “Jesus ghaze, a ti ua izam, o? Egha a managh iti? A izan kogham. En ovavir ovengeneziba ua dikavan kogham. Ezzi biziba fomira nguazim otozir dughiamin iti moghin ikia iza datirikin.”

**5** Me bizir kam gifogha, a ginighnighan aghua. Fomira God mikemezi overiam ko nguazim oto. Ezzi God dipabav kemezi da iraghuezzi nguazim oto. Ezzi God dipamra nguazimin ingari. **6** Egha gin God mikemezi dipaba uam oto. Ezzi aperiam bar nguazir kam avara, ezzi nguazim bar ikufi.

**7** Kamaghira God fomira mikemezi moghin, a

**3:1:** 2 Pi 1:13    **3:1:** 2 Pita 1:13    **3:2:** Ju 17    **3:2:** Jut 1:17

**3:3:** 1 Ti 4:1, 2 Ti 3:1, 2 Pi 2:10, Ju 18    **3:3:** 1 Timoti 4:1; 2 Timoti 3:1; 2 Pita 2:10; Jut 1:18    **3:4:** Ais 5:19, Jer 17:15, Ese 12:22, 12:27, Mt 24:48, Lu 12:45    **3:4:** Aissaia 5:19; Jeremaia 17:15; Esekiel 12:22; 12:27; Matyu 24:48; Luk 12:45    **3:5:** Stt 1:6-9, Sng 33:6, Kl 1:17, Hi 11:3    **3:5:** Jenesis 1:6-9; Onger Akaba 33:6; Kolosi 1:17; Hibru 11:3    **3:6:** Stt 7:11, 7:21, 2 Pi 2:5    **3:6:** Jenesis 7:11; 7:21; 2 Pita 2:5    **3:7:** Mt 25:41, 2 Te 1:8, 2 Pi 3:10    **3:7:** Matyu 25:41; 2 Tesalonika 1:8; 2 Pita 3:10

datirighin migirigar igharazim aningi, datirighin overiam ko nguazim ikia avim bagha mizuai, avim otogħiva bar aning kuavaremegħam. Ez i nguazim ko overiam Godiñ Kotiar Ekiam Ottivamin Dugħiam bagħha mizuai. Dugħiar kamīn gumazamizir akirim ragħha God gasaraziba, me bar ikuvigham.

**8** Nan roroaba, ia bizir kam a bakiñiġnighan marki. Ekiamin nighnizim dughiar vamira mati, azenir aviriba, ezi azenir aviriba mati dughiar vamira. **9** Gumazamizir maba ghaze, Ekiam nimira ingari. Ez i puvati. Ekiam uan akar dikirizim in gin ghua nimira ingara arazibagh amir puvati. God gumazitam o amizitam ovengan aghua. Gumazamiziba bar navibagh iraghħasa a ifonge, egha an navim ian ikia ingara egha ia mizua iti.

### *Nguazir kam ko overiam għivagħam*

**10** Ekiam Izamin Dugħiam zuamiram otogħam, mati okimakiar gumaziba izi mokin. Egħi dughiar kamīn overiam afuaragh pamten tingagħegħ bar għivagħam. Egħi bizir nguazim in itiba sara bar isigh ameregh għivagħam. Egħi nguazim ko an itir bizir me amiziba ua ikian kogħam.\* **11** E fo, kamaghira biziba bar għivagħam.

---

**3:8:** Sng 90:4    **3:8:** Onger Akaba 90:4    **3:9:** Ais 30:18, Hab 2:3, Ro 2:4, 1 Ti 2:4, Hi 10:37, 1 Pi 3:20    **3:9:** Aisaia 30:18; Habakuk 2:3; Rom 2:4; 1 Timoti 2:4; Hibru 10:37; 1 Pita 3:20    **3:10:** Mt 24:29, 24:35, 24:43, Mk 13:31, Lu 12:39, 1 Te 5:2, Hi 1:11, MAA 16:15, 20:11    **3:10:** Matyu 24:29; 24:35; 24:43; Mak 13:31; Luk 12:39; 1 Tesalonika 5:2; Hibru 1:11; Akar Mogomem 16:15; 20:11    \* **3:10:** Grighni akam deragħha a migeir puvati.

Kamaghin ki ian azai, ia arazir manamin gin mangam? Ia uan naviba isi God daning, egh ia bar zuegh iki Godin Arazibar gin mangi.

<sup>12</sup> Egh ia Godin Dughiar Otivamim mizuamiva, egh ia bar puvira ingariva dughiar kamın avıraghti, a zuamira otogham. Eighti dughiar kamra overiam bar isigh givagham, eighti avir bar gavgavir mam otogh bizir God nguazimin amiziba, da bar isiva ameregham.<sup>†</sup> <sup>13</sup> God overiar igiam ko nguazir igiam damuasa akam akiri, eighti Godin arazir aghuimra an aven ikiam. E bizir kamra mizua iti.

### *E uari bagh ganıva, egh Ekiam bagh mizuamam*

<sup>14</sup> Kamaghın, nan roroaba, ia fo bizir kaba da gin izam, ia dar mizuamiva pamtem ingariva egh Godin damazimin zuegh ikiva, Godin damazimin arazir kuratam damuan marki. Egh ia God ko navir amırizimin ikisi pamtem ingar. <sup>15</sup> Ekiam e bagha amırıghavira ingari. Ia fogh, a uam e iniasa, kamaghın an arazir kam gami. Ezı God bar fofozir aghuim en aveghbuam Pol ganingi, ezı a uaghan kamaghıra migirigar kabara ia bagha da osiri. <sup>16</sup>

---

**3:12:** Ais 34:4, Mai 1:4, 1 Ko 1:7, Ta 2:13, 2 Pi 3:10      **3:12:** Aisaia 34:4; Maika 1:4; 1 Korin 1:7; Taitus 2:13; 2 Pita 3:10      <sup>†</sup> **3:12:** 2 Pita 3:9 ghaze, Ekiam zuamira izeghan kogham, kamaghın a dughiam gumazamizibar anighti me navibagh iragham. Ezı kamaghın, gumazamiziba uari isi God daning, eighti bizir kam Ekiamın Dughiar Izamim aghozagham. Ni Aposel 3:19-21in gan.      **3:13:** Ais 65:17, 66:22, MAA 21:1, 21:27      **3:13:** Aisaia 65:17; 66:22; Akar Mogomem 21:1; 21:27      **3:14:** 1 Ko 15:58, Fl 1:10, 1 Te 3:13      **3:14:** 1 Korin 15:58; Filipai 1:10; 1 Tesalonika 3:13      **3:15:** Ro 2:4, 1 Pi 3:20, 2 Pi 3:9      **3:15:** Rom 2:4; 1 Pita 3:20; 2 Pita 3:9      **3:16:** Ro 10:3, 1 Ko 15:51, 1 Te 4:15

Polin akinafarir osiriziba, da zurara bizar kabar gun migei. Guizbangira, akar maba akinafarir kabar aven ikiava, egha deravira bigha migeir puvati. Ez̄i e akar kabar mingaribagh foghasa bar ingangarir dafam gami. Ez̄i gumazamizir fofozir muziariba ko nighnizir gavgavir muziariba, me Polin osirizibagh iragha pazava dav gei. Egha uaghan Godin akinafarimin itir akar igharaziba sara paza dav gei. Kamaghin me uarira uari gasighasisi, eghti God gin me gasighasigham.

<sup>17</sup> Nan roroaba, ia bizar gin otivamiba ia dagh fo. Gumazamizir Godin akaba batogha ifariba ia damuti, ia nighnizir gavgavir ia datirighin itim ategh iran kogham. Ia iran koghsı, kamaghin bar deravira uari bagh ganiva tuivigh gavgafigh. <sup>18</sup> Krais Jesus, a en Ekiam, a en Akurvazir Gumazim, a zurara ian apangkufi, ez̄i ia deravira a gif. An fofozim ko an apangkuvim ian navibar ikīva aghung mangi. Krais ziar ekiam iti, ez̄i ia an ziam fi, datirighin ikī mamaghira ikiam. Guizbangira.

---

**3:16:** Rom 10:3    **3:17:** Mk 13:5, 13:23, 13:33, 1 Ko 10:12, Ef 4:14, 2 Pi 1:10-12    **3:17:** Mak 13:5; 13:23; 13:33; 1 Korin 10:12; Efesus 4:14; 2 Pita 1:10-12    **3:18:** Ef 4:15, 2 Ti 4:18, 1 Pi 2:2, Ju 25, MAA 1:6    **3:18:** Efesus 4:15; 2 Timoti 4:18; 1 Pita 2:2; Jut 1:25; Akar Mogomem 1:6

**Godin Eghaghanim: Akar Gavgavir Dikirizir  
Ghurim ko Igiam  
The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

8f6beb37-6783-55d5-91ed-8321cc3f5eea